

神州醫學社新編

增補  
葉天士醫案

上海廣文書局出版



南京中醫藥大學圖書館藏

# 序

昔錫山華氏集葉案成帙。顏之曰臨證指南。顧其搜集不盡精要。寬廓膚淺之方。疊床架屋。佔居大半。讀者厭之。且其分類有木乘土。肝火不寐等篇。於體裁亦頗不合。其故由華氏素不知醫。以不知醫者而作醫書。宜乎有以上諸弊也。金氏之三家醫案。葉氏後裔之葉案存真。書誠精矣。惜未別類分門。初學之士。研考極感不便。故葉方雖善。而三書之於初學。均未相宜也。同學陸子士諤。以手集之葉天士醫案萃編見示。細讀一過。見其集方之精。分類之當。得未曾有。陸誠香巖之功臣也。陸子精於醫。於靈素傷寒金匱千金諸書。窮研幾及廿載。今秋疫證盛行。上工縮手。陸在松江行道。治愈時疫。

重證不下百十人。聲譽之隆。無與倫比。而臨證之餘。偏好編述。余嘗勸之節勞。陸曰。醫術僅能醫病人。不能醫醫人。惟醫書則能醫醫人也。每見死亡相繼。死於病者。十僅一二。死於醫者。十有七八。甚矣可慨。校訂醫籍。無非望為醫者。指明病源。立案撰方。能少誤也。余之弁之數言於此。非為陸子標榜。不過望讀此書者。弗負陸子編校之一片苦心爾。

中華民國九年十月

同學兄唐純齋謹序

# 葉天士醫案目錄

## 卷一

(一)

中風

(二)

虛勞

(三)

欬嗽

(四)

失音

(五)

肺痿

(六)

噫噎

(七)

呃逆

(八)

吐血

(九)

衄

## 卷二

(一)

便血



一至六

一至六

一至六

一至六

一至六

一至六

一至六

卷三

(二)

哮喘

六至九

(三)

痰飲

熱痰附

九至十

(四)

痞

七至九

(五)

疝

九至十

(六)

積聚

五至七

(七)

痺

五至七

(八)

痿

五至七

(九)

瘰癧

五至七

(十)

癰瘤

五至七

(十一)

汗

五至七

(十二)

三消

五至七

(十三)

脾胃

五至七

(十四)

鬱

五至七





卷四

- |      |    |         |
|------|----|---------|
| (一)  | 腫脹 | 一至十二    |
| (二)  | 遺精 | 十二至十四   |
| (三)  | 淋濁 | 十七至二十   |
| (四)  | 陽痿 | 二十一至二十三 |
| (五)  | 驚  | 二十四至二十六 |
| (六)  | 嘔吐 | 二十七至二十九 |
| (七)  | 噎膈 | 三十至三十二  |
| (八)  | 吐衄 | 三十三至三十五 |
| (九)  | 胸痺 | 三十六至三十八 |
| (十)  | 痛  | 三十九至四十一 |
| (十一) | 頭風 | 四十二至四十四 |
| (十二) | 風溫 | 四十五至四十七 |
| (十三) | 溫熱 | 四十八至五十  |



(一) 疫毒痲疹

(二) 暑

(三) 濕

(四) 黃疸

(五) 燥

(六) 瘡

(七) 痢

(八) 冬溫

(九) 風寒

(十) 泄瀉

(十一) 便閉

(十二) 脫肛

(十三) 五竅病



一至三

一至五

一至十

一至二十

一至三十

一至四十

一至五十

一至六十

一至七十

一至八十

一至九十

一至一百

一至一百一十

一至一百二十

增補  
重編  
葉天士醫案卷一

(一) 中風

某姬今年風木司天。春夏陽升之候。兼因平昔怒勞憂思。以致五志氣火交併於上。肝膽內風鼓動盤旋。上盛則下虛。故足膝無力。肝木內風壯火。乘襲胃土。胃至肌肉。脈絡應肢。遶出環口。故唇舌麻木。肢節如痿。因為中厥之萌。觀河間內火召風之論。都以苦降辛泄。少佐微酸。最合經旨。折其上騰之威。使清空諸竅。毋使濁痰壯火鬱蔽。乃暫葯之權衡也。至於頤養工夫。寒暄保攝。尤當加意於藥餌之先。上午服

金石斛錢三 化橘紅分五 真北秦皮錢一 草決明錢二 冬桑葉錢一 白蒺藜錢二

嫩鈎藤錢一 生白芍錢一

又前議苦辛酸降一法。肝風胃陽已折其上引之威。是諸症亦覺小愈。雖曰治標。正合歲氣節候而設。思夏至一陰來復。高年本病。預宜持護。自來中厥。最防於暴寒驟加。致身中陰陽兩不接續耳。議得攝納肝腎真氣。補益下虛本病。

九製熟地先用 晒乾再蒸半日 徐加醇酒砂仁 再煮一日 肉苁蓉用大 兩黑色者去甲切片 咸竹筴內

放長流水中浸七日 晒九次 乾者炒存性 八兩 淮牛膝鹽水 蒸三兩 製首烏烘 四兩

川草薢鹽水 炒二兩 川石斛八兩 赤白茯苓四兩 柏子霜二兩





右藥照方製末。另用小黑糖豆皮八兩煎濃汁法丸。每早百滾水服三錢。議

人參二兩

熟半夏二兩

茯苓四兩

廣皮肉二兩

川連薑汁炒一兩

枳實麩炒二兩

天麻二兩

鈎藤三兩

白蒺藜淨炒去刺三兩

地栗粉二兩

右末用竹瀝一杯薑汁十匙法丸食遠開水服三錢。

又近交秋令燥氣加臨先傷於上。是為肺燥之咳。然下焦久虛。厥陰遶咽。少陰循喉。往常口燥舌糜。是下虛陰火泛越。先治時病。燥氣化火。暫以清潤上焦。其本病再議。

白扁豆三錢

玉竹三錢

白沙參二錢

麥冬三錢

甜杏仁二錢

象貝母

去心勿研二錢

冬桑葉一錢

捲心竹葉一錢

洗白糯米七合清湯煎

又暫服煎方

北沙參三錢

生白扁豆二錢

麥冬三錢

乾百合半錢

白茯苓半錢

甜杏仁去皮尖半錢

又痰火上實清竅為蒙於暮夜兼進清上方法。

麥冬八兩

天冬四兩

苡米八兩

柿霜四兩

長條白沙參八兩

生白扁豆皮八兩

甜

梨汁二兩

甘蔗漿二兩

水熬膏真柿霜收每服五錢開水送下。

又夏熱秋燥陽津陰液更傷口齒咽喉受病都屬陰火上乘氣熱失降使然進手太陰清燥甘涼方法甚安其深秋初冬調理大旨以清上實下則風熄液潤不致中厥。



至冬至一陽初復再議。

燕窩菜

洗淨另熬

甜梨

去皮核縮袋濾

人參

另熬收

九製熟地

水者

冬

去心蒸

麥冬

去心

炙甘草

二兩

五味

二兩

雲茯苓

三兩

燕

又左關尺脈獨得動數。多語則舌音不清。麻木偏著右肢。心中熱熾。難以名狀。此陽

明脈中空乏。而厥陰之陽挾內風以糾擾。真氣不主藏聚。則下無力以行動。虛假之

熱上泛。為喉燥多咳。即下虛者上必實意。冬至後早服。方從丹溪虎潛法。

九製熟地

照前法

肉苁蓉

照前製

天冬

去心蒸

當歸

炒焦

生白芍

三兩

川斛

熬膏

黃柏

鹽水炒

淮牛膝

鹽水蒸

右為末。另用虎骨膠三兩。溶入蜜搗丸服五錢。滾水送。

又太太諸恙向安。今春三月。陽氣正升。肝木主乎氣候。肝為風臟。風亦屬陽。卦變為

巽。兩陽相合。其勢方張。內風挾陽動旋。脂液暗耗。而麻痺不已。獨甚於四肢者。風淫

末疾之謂也。經云風淫於內。治以甘寒。夫痰壅無形之火。火灼有形之痰。甘寒生津

痰火風兼治矣。

天冬

四兩

麥冬

八兩

長白沙參

八兩

明天麻

四兩

白蒺藜

照前製

蘆根汁

流水者可

青蔗漿

二兩

鮮竹瀝

八兩

柿霜

四兩

甜梨汁

一兩



先將二冬沙參天麻白茯苓加泉水煎汁濾過。配入四汁同熬成膏。後加柿霜收。每日下午食遠服五錢。百滾水調服。

又下虛上實。君相火亢。水涸液虧。多有暴怒跌仆之虞。此方滋液救焚。使補力直行下焦。不助上熱。議鐵甕中先生填玉膏方。鮮生地水洗淨搗自然汁二觔。綿紙濾清。隨和入生白沙蜜一觔。另置一鉛罐。或圓鉛球盛前藥封堅固。用鐵鍋滿盛清水。中做井字木架。放罐在上。桑柴火煮三晝夜。頻視水。不可住火。至三日後連器浸冷水中。一日頃取出。入後項藥。

人參蒸烘研細 白茯苓蒸研粉 真秋石銀罐內煨候

右三味拌入煎膏。如乾豆沙樣。收貯小口磁瓶內扎好。勿令洩氣。每早百滾水調服五六錢。

又立冬後三日。診得左脈小弦動數。右手和平略虛。問得春夏平安。交秋後有頭暈。左目流淚。足痿無力。不能行走。舌生紅刺。微咳有痰。此皆今年天氣大熱已久。熱則真氣泄越。虛則內風再旋。經言痿生大熱。熱耗津液。而舌刺咳嗽。流淚者。風陽升於上也。上則下焦無氣矣。故補肝腎以攝納腎氣為要。而清上安下。其在甘涼不傷脾胃者宜之。

製首烏雨四 杞子炒雨 天冬去心雨 菟蔚子蒸雨 黃甘菊雨 黑稽豆皮雨二



茯苓

蒸二兩

川石斛

蒸八兩

虎骨膠

水二兩

右末以川斛膏同溶化。虎骨膠搗丸。早上滾水服三四錢。

又久熱風動。津液日損。舌刺咳嗽。議以甘藥養其胃陰。老年納穀為寶。

生扁豆

兩四

麥冬

兩四

北沙參

兩三

天花粉

兩二

甘蔗漿

兩十二

柿霜

兩二

白芨

百合

兩四

右熬膏加飴糖兩許。每服時滾水調服三四錢。晚上服。

又液燥下虧。陽挾內風上引。陰不上承。舌絡強則言蹇。氣不注脈則肢痿。乏力步趨。

凡此皆肝腎臟陰本虛。鎮補之中。微逗通陽為法。以臟液虛不受純溫藥耳。

水製熟地

兩四

阿膠

兩二

女貞實

兩二

稽豆皮

兩二

淡肉苁蓉

兩一

茯神

兩二

早

蓮草

兩二

川石斛

兩三

用精羯羊肉膠為丸。早上滾水服四五錢。

又暫服煎方。

生地

沙參

芫蔚子

黑稽豆皮

川斛

牛膝

又晚服丸方。

九蒸桑葉

兩八

三角胡麻

兩四

九製首烏

兩三

白茯神

兩三

人參

兩二

炙甘草

兩一

酸棗仁

兩二

酸仁

兩二



右為末。桂圓肉三兩煎湯法丸。每服三錢。百滾水下。

又今年天符歲會。上半年陽氣大泄。見病都屬肝胃。以厥陰為風臟。而陽明為盛陽耳。陰陽不肯相依。熱必暴來厥中。過大暑可免。以暑濕大熱。更多開泄。致元氣不為相接耳。然此本虛標實。氣火升騰所致。經旨以苦寒鹹潤酸泄。少佐微辛為治。謹進補陽明泄厥陰法。

人參一兩

生牡蠣錢五

生白芍錢二

烏梅肉分四

川黃連鹽水炒 六分

熟半夏清炒

漂洗一錢 上午服

人參二兩

茯苓生 三兩

鹽水炒黃連錢五

半夏醋炒 水洗 淨兩半

鹽水炒廣皮二兩

枳

實楚炒 兩半

白茯苓雜子黃 製兩半

生白芍兩半

烏梅肉藥一兩

以上九方。

右為末。竹瀝法丸。早上服三錢。百滾湯下。

又夏月進酸苦泄熱。和胃通降。為陽明厥陰治甚安。入秋涼爽。天人漸有收肅下降之理。緣有年下虧。木少水涵。相火內風旋轉。薰灼胃脘。逆冲為嘔。舌絡被薰。則絳赤如火。消渴便阻。猶刺事耳。凡此仍屬中厥根萌。當加慎靜養為宜。凡治此等症。必兼驅風消痰。方有出路。一味滋補。中病而不能去病。不可不知也。

生雞子黃一枚

阿膠錢半

生白芍錢三

生地錢三

天冬去心 一錢

川連一分

上午服

又心火亢上。皆為營液內耗。先以補心湯。理心之用。



人參同前 錢一

川連水六分

犀角二錢

元參錢二

鮮生地錢五

丹參錢一

捲心竹

葉錢二

又苦味和陽。脈左頗和。但心悸少寐。已見營氣衰微。倣金匱酸棗仁湯方。仍兼和陽。益心氣以通肝絡。

酸棗仁

炒黑勿研五錢

茯神

錢三

知母

錢一

川芎

分一

人參

同前

天冬

去心

中藥大

曹氏離愁宛結。都係情志中自病。恰逢冬溫。陽氣不潛。初交春令。陽已勃發。變化。內風遊行擾絡。陽但上冒。陰不下吸。清竅為蒙。狀如中厥。舌喑不言。劉河間謂將息失宜。火盛水衰。風自內起。其實陰虛陽亢為病也。既不按法論病設治。至驚蟄雷鳴。身即汗泄。春分氣暖。而晝夜寤不肯寐。甚至焦煩。迥異於平時。何一非陽氣獨激使然耶。夫肝風內擾。陽明最當其衝。犯病中暴食。以內風消燥。求助於食。今胃脈不復。氣愈不振。不司束筋骨以利機關。致鼻準光亮。肌肉浮腫。考古人虛風。首推侯氏黑散。務以填實腸胃空隙。庶幾內風可息。奈何醫者不曰清火豁痰。即曰膩補。或雜風藥。內因之恙。豈有形質可攻。偏寒偏熱。皆非至理。

生牡蠣

生白芍

炒生地

菊花炭

炙甘草

南棗肉

龔五厥症。脈虛數。病在左軀。腎虛液少。肝風內動。為病偏枯。非外來之邪。

製首烏

生地

杞子

茯神

明天麻

菊花

川斛

中國醫藥大學圖書館藏

徐一水虧風動。舌強肢麻。中絡之象。當通補下焦。復以清上。

熟地 淡菴蓉 杞子 牛膝 五味 遠志 羚羊角 茯苓 麥冬 當歸

蜜丸

丁某大寒節真氣少藏。陽挾內風旋動。以致痲中。舌邊赤。中有苔滯。忌投溫風劫痰。益腎涼肝治本為法。

生地 元參 麥冬 川斛 遠志 石菖蒲 蔗漿

曾五脈弦勁。眩暈耳聾。行走氣促無力。肛痔下垂。此未老欲衰。腎陰弱。收納無權。肝陽熾。虛風蒙竅。乃上竇下虛之象。質厚填陰。甘味熄風。節勞戒飲。可免腑中。

虎潛去鎖陽知母。加大肉菴蓉煉蜜丸。

張某脈細小帶弦。冬季藏納少固。遂至痲中。百餘日來。諸患稍和。惟語言欲出忽蹇。多言似少相續。此皆腎脈下營舌絡。以致機竅少宣。乃虛象也。早用地黃飲子煎法以治下。晚用星附六君子以益虛宣竅。

錢某偏枯在左。血虛不榮筋骨。內風襲絡。脈左緩大。

製首烏四兩 枸杞子二兩 歸身二兩 淮牛膝二兩 明天麻二兩

三角胡麻二兩 黃甘菊三兩 川石斛四兩 小黑豆皮四兩

用三汁膏加蜜。九極細。早服四錢。滾水送。



陳四十歲肝血腎液內枯。陽擾風旋乘竅。大忌風藥寒涼。

炒杞子 桂圓肉 炒菊花 炙黑甘草 黃芪去心 牡蠣

金某失血有年。陰氣久傷。復遭憂悲悒鬱。陽挾內風大冒。血舍自空。氣乘於左。口噤肢麻。舌暗無聲。足痿不耐行走。明明肝腎虛蝕。陰氣不主上承。重培其下。冀得風熄。議以河間法。

熟地四兩 萸肉二兩 牛膝半兩 遠志炒兩半 杞子二兩 菊花炒二兩

斛二錢 茯苓二兩 淡從蓉乾一錢 加蜜丸服四錢。

沈四十歲脈細而數。細為臟陰之虧。數為營液之耗。上年夏秋病傷。更因冬暖失藏。

春地氣升。肝木風動。遂令右肢偏痿。舌本絡強。言蹇。都因根蒂有虧之症。庸俗泄氣降痰。發散攻風。再劫真陰。漸漸神潰如寐。倘加昏厥。將何療治。議用仲景復脈法。

復脈湯去薑桂。

又操持經營。神耗精損。遂令陰不上朝。內風動躍。為瘵中之象。治瘵功却溫補。陰愈損傷。枯槁日甚。幸以育陰熄風小安。今夏熱益加發泄。真氣更虛。日餌生津益氣勿怠。大暑不加變動。再商調理。固本丸去熟地加

北味 天冬 生地 人參 麥冬 五味

金心初起神呆遺溺。老人厥中顯然。數月來夜不得寐。是陽氣不交於陰。勿謂痰火。



專以攻消。乃下虛不納。議與潛陽。

龜腹甲心 熟地炭 乾菝蓉 天冬 生虎脰骨 淮牛膝 炒杞子 黃柏

盧某嘔怒動陽。恰值春木司升。厥陰內風乘陽明脈絡之虛。上凌咽喉。環繞耳後。清

空之地。升騰太過。脂液無以營養四末。而指節為之麻木。是皆痲中根萌。所謂下虛

上實。多致巔頂之疾。夫情志變蒸之熱。閱方書無芩連苦降。羌防辛散之理。肝為剛

臟。非柔潤不能調和也。

鮮生地 元參心 桑葉 丹皮 羚羊角 連翹心

又生地 阿膠 牡蠣 川斛 知母

汪三五左肢麻木。膝蓋中牽縱。忽如針刺。中年後。精血內虛。虛風自動。乃陰中之陽損傷

淡菝蓉乾兩二 枸杞兩三 歸身兩二 生虎骨兩二 沙苑兩二 巴戟天兩二 明天麻

兩二 桑寄生兩四 精羊肉膠阿膠丸。早服四錢。交冬加減。用人參九服。

唐六六男子右屬氣虛。麻木一年。入春口眼歪邪。乃虛風內動。老年力衰。當時令之發

泄。忌投風藥。宜以固衛益氣。

人參 黃芪 白朮 炙草 廣皮 歸身 天麻 煨薑 南棗

凡中風症有肢體緩縱不收者。皆屬陽明氣虛。當用人參為首藥。而附子黃芪  
炙草之類佐之。若短縮牽掣。則以逐邪為急。凡弛緩之症。俱屬風痰。

